

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog Otvorenog postupka za dostavu ponuda, broj: 05.12.99-3618-1/20 od 24.06.2020.godine, te Odluke o izboru najpovoljnijeg ponuđača Direktorice J.U. Zavoda za javno zdravstvo Kantona Sarajevo broj: 05.12.99-3618-Odluka o izboru/20 od 16.07.2020.godine, kojom je prihvaćena Ponuda ponuđača ALPHACHROM d.o.o. Sarajevo kao najbolje ocijenjena ponuda, za potrebe J.U. Zavod za javno zdravstvo Kantona Sarajevo, zaključuje se sljedeći:

## **UGOVOR ZA NABAVKU, ISPORUKU, INSTALACIJU I PUŠTANJE U RAD ROBE – AUTOMATSKI SISTEM ZA RAZLIJEVANJE PODLOGA U PETRI POSUDE**

### **I UGOVORNE STRANE**

1. **J.U. ZAVOD ZA JAVNO ZDRAVSTVO KANTONA SARAJEVO**, ul. dr. Mustafe Pintola br.1/III Ilidža-Sarajevo, (u daljem tekstu: Zavod), Identifikacioni broj: 4200329950003 koga zastupa Dr med. sci. Aida Pilav, direktor, kao i (u daljem tekstu: **Ugovorni organ**)  
i

2. **ALPHACHROM d.o.o. Sarajevo**, ul. Podgaj br. 8, Identifikacioni broj: 4200953850005, kojeg zastupa direktorica: Ajla Kadrić, (u daljnjem tekstu: **Izvršilac**),

U daljnjem tekstu Ugovora, kada se Ugovorni organ i Izvršilac navode zajednički, tj. zbirno, tada su označeni kao „Ugovorne strane“.

### **II PREDMET UGOVORA**

#### **Član 1.**

Predmet ovog Ugovora je **nabavka, isporuka, instalacija i puštanje u rad Automatskog sistema za razlijevanje podloga u Petri posude**, prema zahtjevima koji su navedeni u Tenderskoj dokumentaciji Ugovornog organa, broj: 05.12.99-3618-1/20, kao i u skladu sa Ponudom Izvršioca broj: 90061/2020, koje čine sastavni dio ovog Ugovora.

#### **Član 2.**

**Nabavku, isporuku, instalaciju i puštanje u rad robe - Automatski sistem za razlijevanje podloga u Petri posude** (u daljnjem tekstu: roba), Izvršilac je dužan isporučiti u skladu sa zahtjevima tenderske dokumentacije.

### **III CIJENA I NAČIN PLAĆANJA**

#### **Član 3.**

Ukupna vrijednost ugovorene robe definisane u članu 1. ovog Ugovora iznosi: 49.600,00 KM bez PDV-a, odnosno 58.032,00 KM sa PDV-om.

Cijena je fiksna i ne podliježe nikakvim promjenama za vrijeme trajanja Ugovora.

Ugovorni organ se obavezuje da će ukupni iznos iz stava 1. ovog člana isplatiti na račun izvršioca broj: 1610000045160010 otvoren kod Raiffeisen bank d.d.

#### **Član 4.**

Ugovorne strane su saglasne da će Ugovorni organ ukupnu vrijednost iz člana 3. stav 1. ovog Ugovora isplatiti u roku od 30 dana od dana isporuke, instalacije i puštanje u rad robe, ako prilikom primopredaje Ugovorni organ nema primjedbi na isporučenu robu.

U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. 90061/2020, Ugovorni organ se obavezuje da će isplatu izvršiti, nakon što Izvršilac otkloni nedostatke konstatovane u Zapisniku o primopredaji roba iz člana 8. stav 1. ovog Ugovora.

#### **IV ROK I MJESTO ISPORUKE**

##### **Član 5.**

Izvršilac se obavezuje da će robu iz člana 1. ovog Ugovora, isporučiti, instalirati i pustiti u rad najkasnije u roku od 30 (trideset) dana od dana potpisivanja Ugovora, na adresu Ugovornog organa: ul. Dr. Mustafe Pintola 1/III Ilidža.

##### **Član 6.**

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

##### **Član 7.**

Ukoliko izvršilac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 60 dana, Ugovorni organ ima pravo na raskid Ugovora.

#### **V KVALITET ROBE**

##### **Član 8.**

Izvršilac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br.

90061/2020, a koju je Ugovorni organ odabrao kao najpovoljniju.

Kvalitet i karakteristika robe koja je predmet ovog Ugovora, kontrolisat će ovlašteni predstavnici Izvršioca i Ugovornog organa.

Primopredaju robe između Izvršioca i Ugovornog organa izvršit će ovlašteni predstavnici Izvršioca i Ugovornog organa.

O navedenoj primopredaji robe sačinat će se Zapisnik o primopredaji, odmah, a najkasnije u roku od 24 sata, od prijema robe, koji će potpisati ovlašteni predstavnici Izvršioca i Ugovornog organa.

##### **Član 9.**

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji robe.

Izvršilac se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 15 dana, od dana potpisivanja navedenog Zapisnika.

Ako u navedenom roku Izvršilac ne otkloni primjedbe konstatovane Zapisnikom o primopredaji robe, Ugovorni organ zadržava pravo da raskine Ugovor.

## VI OBAVEZE IZVRŠIOCA I UGOVORNOG ORGANA

### Član 10.

Izvršilac se obavezuje:

- da će ugovorene obaveze izvršiti blagovremeno, u ugovorenom roku, stručno i kvalitetno u skladu sa važećim tehničkim normativima i standardima, sve prema dostavljenoj Ponudi;
- da će isporučiti, instalirati i pustiti u rad robu, kao i izvršiti neophodnu pripremu mjesta instalacije robe, a prema specifikaciji nabavke i to u roku od 30 (trideset) kalendarskih dana od momenta potpisivanja ovog Ugovora;
  
- da će se odazvati za popravku u roku do 4-6 sati po pozivu Ugovornog organa;
  
- da će Ugovornom organu omogućiti nadzor nad vršenjem isporuke, te da će na njegov zahtjev obustavi isporuku robe ukoliko se utvrdi da se ista izvodi nekvalitetno i mimo tehničke dokumentacije;
- da će snositi odgovornost za štetu u toku izvršenja ugovora nastalu radnicima Prodavca ili trećim licima,
- da će posebno obrati pažnju da prilikom isporuke robe, ne nanese štetu unutar prostora ili susjednih prostora, a ukoliko se ista desi, da će je otkloni o vlastitom trošku;
- da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Ugovornog organa;
- da će prilikom primopredaje roba iz člana 1. ovog Ugovora, Ugovornom organu predati garantne listove za ponuđenu robu iz tehničke specifikacije.
  
- da će izvršiti obuku osoblja Ugovornog organa u laboratoriji Ugovornog organa, obuka će trajati minimalno 3 dana i sa obukom će se početi odmah nakon isporuke, instalacije i puštanja u rad robe i nakon obavljene obuke izdati uvjerenje (certifikat),
  
- da će prilikom potpisivanja Ugovora dostaviti Certifikat proizvođača o osiguranju kvaliteta robe.

### Član 11.

Ugovorni organ se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Izvršioca o svakom eventualnom propustu Prodavca u odnosu na pitanja utvrđena ovim Ugovorom.

## VII GARANTNI ROK

### Član 12.

Za isporučenu robu važi garancije proizvođača robe, s tim što je Izvršilac dužan da svu dokumentaciju o garancijama proizvođača robe, pribavi i preda Ugovornom organu, zajedno sa uputstvima za njihovu upotrebu.

Garantni rok 12 (dvanaest) mjeseci počinje teći od dana kompletne isporuke, instalacije i puštanja u rad robe.

### Član 13.

Izvršilac snosi odgovornost za sve manjkavosti, odnosno nedostatke vezano za isporučenu robu, koje se mogu javiti ili nastati tokom garantnog perioda, pod uslovom da se roba koristi i održava u skladu sa uputstvima za njenu upotrebu i sa preporukama Izvršioca.

## VIII UGOVORNA KAZNA I RASKID UGOVORA

### Član 14.

Ukoliko Izvršilac ne izvrši svoje obaveze u ugovorenom roku, dužan je da, Ugovornom organu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

### Član 15.

Ukoliko isporuka kasni duže od 60 dana, Ugovorni organ zadržava pravo jednostranog raskida Ugovora.

Razlog za raskid Ugovora može biti stečaj, likvidacija ili drugi oblik prestanka postojanja Izvršioca ili više sile.

### Član 16.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

## IX PRIJELAZNE I ZAVRŠNE ODREDBE

### Član 17.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

### Član 18.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.

### Član 19.

Ovaj Ugovor stupa na snagu danom njegovog potpisivanja od strane ovlaštenih predstavnika Izvršioca i Ugovornog organa, i isti će se primjenjivati do izvršenja svih pojedinačnih obaveza predviđenih ovim Ugovorom.


### Član 20.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 4 (četiri) potpisana i ovjerena primjerka.

ALPHACHROM d.o.o. J.U. ZAVOD ZA JAVNO ZDRAVSTVO  
SARAJEVO SARAJEVO  
DIREKTORICA KANTONA SARAJEVO  
DIREKTORICA



Broj: 1076/2020  
Sarajevo, 05.08.2020

  
(Prof.dr.med.sci. Aida Pilav)

Broj: 05.12.99 -3618-Ugovor/20  
Sarajevo, 04.08.2020. godine

